

A1	香港係一個舉世知名嘅國際大都會，
A2	為咗緊貼時代步伐同保持競爭力，
A3	每個人都爭分奪秒，未敢輕易放慢腳步。
A4	要配合呢種快速流轉嘅城市節奏，
A5	為全港市民提供交通運輸、
A6	電力與氣體供應、以及機械運作嘅服務，
A7	都必需安全可靠、設計先進。
A8	機電工程署喺規管及提供機電設施服務方面，
A9	一直肩負住一個不容有失嘅任務。
B1	機電工程署除咗負責監管全港嘅電力及氣體供應、
B2	機械及鐵路安全，
B3	及推動節約能源外，
B4	轄下嘅營運基金亦為政府部門及公營機構，
B5	提供多項機電及電子工程設計、安裝、維修保養
B6	及改善更新工程服務。
B7	要達致國際級嘅服務水平，
B8	我哋努力不懈，
B9	要聆聽市民與客戶嘅需要，

B10	我哋用心服務，
B11	要緊貼時代步伐、與時並進，
B12	我哋事事關心。
C1	一直以來，機電工程署除咗進行一般執法工作外，
C2	亦會主動修訂及推出新法例，
C3	例如：修訂《升降機及自動梯條例》， 同引入《建築物能源效益條例》
C4	訂立符合今日科技水平及社會需要嘅規管架構及條 文，
C5	清楚厘定各位持份者，包括業主、管業公司、承辦商 及工程人員嘅共同責任。
C6	與此同時，亦鼓勵市民定期為機電設施 進行維修保養及定期更新，
C7	避免因系統老化而出現嘅潛藏危機。
C8	為咗加強規管服務嘅透明度及認受性，
C9	喺制訂新法規時，
C10	機電工程署一直與各業界及持份者保持緊密聯繫，
C11	用心聆聽佢哋嘅意見及建立互信溝通，

C12	確保法例有助創造公眾價值、發揮理想成效。
D1	通過有效執法同專業服務，令市民大眾安全、放心，
D2	一直係機電工程署嘅服務承諾
D3	亦係每位員工努力奮鬥嘅目標。
D4	為咗協助機電業界建立終生學習嘅文化，
D5	機電工程署不斷為從業員提供不同類型嘅課程，
D6	致力提升佢哋嘅專業水平。
D7	對內，我哋亦鼓勵同事不斷進修，
D8	例如:通過「知識群體」嘅網上專區，
D9	將寶貴嘅專業知識、技術同經驗互相分享、薪火相傳，
D10	令各位同事喺執行規管及營運服務時有更佳表現，
D11	市民喺使用機電設施時亦無後顧之憂。
E1	機電工程營運基金喺全面開放嘅市場競爭下，
E2	仍能夠與多個客戶部門簽訂長期服務水平協議，
E3	所提供嘅服務亦不斷拓展，其中包括:

F1	為添馬政府總部及立法會大樓、
F2	民航處新總部大樓、
F3	啟德郵輪碼頭等多項政府設施
F4	提供專業嘅技術支援、
F5	並推動使用先進嘅環保節能科技，
F6	以節省能源及保養費用；
G1	為醫院管理局提供機電
G2	及電子醫療設備操作同保養服務外，
G3	亦為先進嘅醫療設備提供 24 小時緊急支援服務；
H1	為多條政府隧道，例如：紅磡海底隧道及獅子山隧道，
H2	更換通風設備
H3	及安裝先進嘅交通管制及監察系統；
J1	又為多個政府部門提供一站式嘅車輛採購、
J2	檢驗及維修服務；
K1	為紀律部隊引入先進儀器及設施，
K2	致力提升訓練及執法效率；
L1	又協助路政署喺多條行人天橋加裝升降機，
L2	令殘疾人士擁有更暢通無阻嘅環境通道。

M1	機電工程營運基金一直以客為本，
M2	為滿足客戶嘅不同需要，
M3	我哋除咗致力提供工程方案，以贏取客戶嘅信任同支持，
M4	喺落實執行時更積極進取、無懼挑戰，
M5	所以我哋早已成為客戶心中一個值得信賴嘅合作伙 伴。
N1	機電工程署一直推動節約能源，
N2	除咗推行「能源效益標籤計劃」，
N3	協助市民挑選環保節能嘅家居電器外，
N4	又通過落實<建築物能源效益條例>，
N5	鼓勵市民與企業通過各種節能方法，
N6	推動社會嘅可持續發展。
N7	我哋更率先喺機電工程署總部大樓室外增設綠化空間
N8	及展示多樣太陽能設施，
N9	全力推動使用可再生能源。
N10	我哋亦配合政府政策，
N11	積極鼓勵市民使用電動車輛，

N12	以減少路上嘅廢氣排放，
N13	為改善本地嘅空氣質素盡一分力。
N14	機電工程署透過不同形式嘅公眾教育及宣傳活動，
N15	令市民喺日常生活更注意機電安全及能源效益，
N16	使大家享有一個更安全環保嘅生活空間。
P1	機電工程署嘅工作團隊
P2	憑著累積多年嘅豐富經驗，
P3	加上勤奮實幹、勇於創新嘅專業精神，
P4	除咗喺確保香港機電安全
P5	同提升市民生活質素方面努力不懈，
P6	更為促進香港嘅繁榮安定盡力盡心。